

夏侯美睡禮和善歌

仙傳拾遺夏侯隱者大中末遊茅山天台間常攜布囊竹杖而已或露宿於壇中林下人覘之但見雲氣翳鬱不見其身每登山渡水而閉目美睡同行者聞其鼻鼾之聲而步不蹉跌足無蹶礙至所止卽覺時號爲睡仙

真誥傳禮和常服五星氣而得道禮和善歌歌則鳥獸飛聚而聽聲焉

欽真力勤合靈睡嬾

女仙傳唐楊欽真本田家女也適王渭爲妻夫貧力田楊氏婦職甚謹夫族目之爲勤力新婦一日忽沐浴著新衣逝去

道藏輯要

三洞群仙錄

專

翼集五  
X。11

是夜鄰人皆聞有天樂異香自西北來次日夜復聞音樂之聲異香酷烈縣令李邯聞之率眾來看則婦宛在床矣邯問去來之由答曰向仙仗來迎至華山雲臺峰峰上有四女真先在彼與語甚洽曰同生濁世共是凡身一旦翛然遂與塵隔今夕何夕歡會於斯宜各賦詩以道其意於是更相唱和欽真詩曰人世徒紛擾其生似舜華誰言今夕裏俛首視烟霞欽真後復仙去

郡閣雅談吳合靈爲道士居南岳俗呼爲吳獐好睡經旬不食嘗言人若要閑卽須嬾如勤卽不閑也素不攻文忽作上昇歌云玉皇有詔登仙職龍吐雲兮鳳著力眼前驀地見樓